

St.prp. nr. 19

(2006–2007)

Om endringar i løyvingar o.a. i forsvarsbudsjettet for 2006

*Tilråding fra Forsvarsdepartementet av 24. november 2006,
godkjend i statsråd same dagen.
(Regjeringa Stoltenberg II)*

1 Formål og hovedoversikt

1.1 Formål

I denne proposisjonen legg regjeringa fram forslag om visse endringar i løyvingar i forsvarsbudsjettet for 2006. Siktemålet er å skape best mogeleg samsvar mellom løyvingane under dei einskilde kapitla og postane, og dei endringane i budsjettføresetnaden som har skjedd sidan forsvarsbudsjettet for 2006 vart utarbeidd.

På grunn av den komplekse samansetjinga av kapitla, med svært variable storleikar, er omgrupperingsproposisjonen eit naudsynt verktøy for å sikre god økonomistyring i forsvarssektoren. Tiltak for å møte endringar i føresetnadene som oppstår i gjennomføringsåret, kan såleis verte handsama samla og formalisert på rette måte.

Hovudelementa i omgrupperingsproposisjonen tek mellom anna føre seg den vedtekne flyttinga av regionale støttefunksjonar (RSF) frå greinkapitla til kapittel 1740 Forsvarets logistikkorganisasjon (FLO), jf. Innst. S. nr. 234 (2003-2004) og St.prp. nr. 42 (2003-2004). Vidare formaliserer proposisjonen den varsle auken på kapittel 1792 Norske styrkar i utlandet i samband med flytting av leiren i Meymaneh (Afghanistan), for å betre tryggleiken for dei norske styrkane, jf. Revidert nasjonalbudsjett 2006; tilleggsløyvinga til bidraget til UNIFIL II; samt overføring av budsjettansvaret for

rabattavtale for vernepliktige frå greinkapitla til kapittel 1740.

Omgrupperingsproposisjonen for 2006 tek vidare vare på formaliseringa av lønnskompensasjonen for 2006 og formalisering av meirinntekter. Totalt sett utgjer omgrupperinga ein auke i løyvinga til Forsvarsdepartementet på 265 mill. kroner.

1.2 Tilleggsløyvingar

Norsk bidrag til UNIFIL II

Krisa i Midt-Austen sommaren 2006 var ei av dei alvorlegaste i regionen på mange år. Den 11. august 2006 vedtok FNs tryggingsråd samrøystes resolusjon 1701, som gir retningslinjer for løysing av konflikten på kortare og lengre sikt, og som kan få verknad for heile regionen.

Noreg mottok ei formell oppmoding frå FN om å bidra med maritime kapasitetar, og tilbaud eit bidrag bygd opp kring fire missiltorpedobåtar (MTB-ar). Regjeringa stadfestar etter komitéhøyringar i Stortinget deltakinga med fire MTB-ar og naudsynte støtteelement gjennom Kgl. res. av 29. september 2006. Totalt utgjer det norske styrkebidraget rundt 150 personar.

Meirkostnadene for bidraget er både personellrelaterte og knytte til materiell, vedlikehald, deployering og kjøp av varer og tenester etc. Totalt

er det no rekna ut at bidraget vil koste 25 millionar kroner i 2006.

I denne proposisjonen vert det fremja forslag om tilleggsøyving av 25 mill. kroner for 2006.

1.3 Grunnlaget for omgrupperinga

1.3.1 Økonomisk grunnlag

Grunnlaget for omgrupperinga er vedtatt budsjett for 2006, dei seinare endringane gjort av Stortingen, og midlar ført over frå 2005. Det er og tatt omsyn til forsvarssektoren sin del av lønnskompensasjonen for 2006 (301,990 mill. kroner).

Tabell 1.1 Faktisk løyving på utgiftssida, før omgruppering 2006, kjem fram slik (i 1 000 kroner):

Vedtatt budsjett 2006	30 610 218
St.ppr. nr. 65 (2004-2005) <i>Tilleggsbevilgninger og omprioriteringer i statsbudsjettet medregnet folketrygden 2006</i> (RNB), jf. Innst. S. nr. 240 (2004-2005).	19 678
St.ppr. nr. 70 (2004-2005) <i>Om endringar i Regulativ for tillegg o.a. til utskrivne vernepliktige mannskap og om endring i gradsnivå for militære embete</i> («soldatproposisjonen»), jf. Innst. S. nr. 274 (2004-2005).	12 503
Lønnsregulering for arbeidstakarar i det statlege tariffområdet.	301 990
= Faktisk løyving før omgruppering	30 944 389
+ Midlar ført over frå 2005	1 105 500
= Disponible midlar i 2006 før omgrupperinga	32 049 889

Tabell 1.2 Disponibel løyving på inntektssida, før omgruppering 2006, kjem fram slik (i 1 000 kroner):

Vedtatt budsjett 2006	1 003 452
= Løyvingar før omgruppering	1 003 452

1.3.2 Inntekter i 2006

I høve til vedtatt budsjett for 2006 er det ei netto meirinntekt (brutto meirinntekter minus mindreinntekter) på 240 mill. kroner som er foreslått lagt

til utgiftssida. Det vert i denne samanhengen vist til Forsvarsdepartementet sin meirinntektsfullmakt i St.ppr. nr. 1 (2005-2006) under romartalsvedtak II.

Tabell 1.3 Løvingsbehov på utgiftssida i samband med omgrupperingsproposisjonen vert slik (i 1 000 kroner):

Auke på utgiftssida grunna meirinntekter førde til utgiftssida	240 000
+ Tilleggsøyvingar	25 000
= Sum behov ved omgrupperinga	265 000
+ Løyvingar før omgrupperinga	30 944 389
- Samla løyvingar etter omgrupperinga	31 209 389
+ Midlar ført over frå 2005	1 105 500
= Samla disponible midlar i 2006 etter omgrupperinga	32 314 889

Tabell 1.4 Løvingsbehovet på inntektssida i samband med omgrupperingsproposisjonen vert slik (i 1000 kroner):

Løyvingar før omgrupperinga	1 003 452
Meirinntekter	240 000
= Løyvingar etter omgrupperinga	1 243 452

Regjeringa foreslår på denne bakgrunn, under forslag til vedtak, at utgiftsramma vert auka med 265 mill. kroner og at inntektsramma vert auka med 240 mill. kroner.

Tabell 1.5 Postfordeling utgifter(i 1 000 kroner)

Post	Formål	Mindreutg.-/ Meirutg.+
01	Driftsutgifter	634 652
43	Til disposisjon for Forsvarsdepartementet	-20 000
45	Store nyskaffingar	-820 000
47	Nye bygg og anlegg	417 848
50	Overføringer Statens pensjonskasse	58 000
70	Renter låneordning	-5 500
Sum		265 000

1.3.4 Inntekter

Tabell 1.6 Postfordeling inntekter(i 1 000 kroner)

Post	Formål	Mindreinnt. -/ Meirinnt.+
01	Driftsinntekter	329 0000
45	Store nyskaffingar	0
47	Sal av eidegom	-89 000
48	Fellesfinansierte byggje- og anleggsinntekter	0
90	Lån til bustadføremål	0
Sum		240 000

2 Hovudtrekk ved dei største utgifts- og inntektsendringane på postnivå

2.1 Utgifter

Den totale utgiftsramma er auka med 265 mill. kroner. Driftsbudsjettet er totalt foreslått auka med 667 mill. kroner, medan investeringsbudsjettet er foreslått redusert med 402 mill. kroner.

Nedanfor er dei største og viktigaste endrin-gane forklart på post- og kapittelnivå.

2.1.1 Post 01 Driftsutgifter

Post 01 er foreslått auka med totalt 634,7 mill. kroner.

Posten er foreslått tilført 329 mill. kroner i meirinntekter, i hovudsak frå kap. 4733 Luftforsvaret og kap. 4740 Forsvarets logistikkorganisasjon. Vidare er posten tilført 25 mill. kroner i samband med norsk bidrag til UNIFIL II og 13 mill. kroner er foreslått nytta til å finansiere meirbehov som er spesifisert under pkt. 2.1.2. I tillegg er posten auka

1.3.3 Utgifter

Tala i tabellane nedanfor syner netto endringar på dei ulike postane. Utgiftstabellen er inklusiv forde-ling av meirinntekter.

med 5,5 mill. kroner i samband med ei teknisk justering grunna ei feilpostering på post 70 i 2005, ei teknisk justering mot andre postar som samla gir ein auke på 8 mill. kroner, samt 360 mill. kroner i samband med balansering av drivstoffbeholdnинgane i Forsvaret.

Omdisponeringane frå posten gjeld 58 mill. kroner til finansiering av utgifter over post 50 Statens pensjonskasse, 4,8 mill. kroner i samband med forlegnings- og kontorbehov på Ørland hovedflystasjon, samt 43 mill. kroner til post 47 i samband med utgifter til investeringar i ny leir i Afghanistan (Meymaneh), jf. Revidert nasjonalbudsjett 2006.

Elles er det gjort omdisponeringar mellom kapittel/postar basert på analysar og vurderingar, inkludert prognosar. Ein vesentleg del av endrin-gane mellom kapitla skuldast tekniske justeringar for å oppnå budsjettmessig samling av *Regional støttefunksjon* under kap. 1740 Forsvarets logistikkorganisasjon. Dette er ein omorganisering som er i samsvar med vedtatt langtidsplan for Forsvaret (jf.

Innst. S. nr. 234 (2003-2004), jf. St.prp. nr. 42 (2003-2004). Følgjande vesentlege endringar er gjort på dei einskilde kapitla:

Kap. 1700 Forsvarsdepartementet

Kapitlet er foreslått auka med 8,7 mill. kroner. Auken skuldast meirbehov i samband med opprettiging av *Granskningsutvalet for IKT-kontraktar* (7 mill. kroner) og *Forsvarspolitisk utval* (1,7 mill. kroner).

Kap. 1719 Fellesutgifter og tilskott til føretak under Forsvarsdepartementet

Kapitlet er foreslått redusert med 33,4 mill. kroner. Reduksjonen skuldast i hovudsak omdisponeringar til kap. 1792, post 47 Norske styrkar i utlandet i samband med utgifter til investeringar i ny leir i Afghanistan (Meymaneh).

Kap. 1720 Felles leiings- og kommandoapparat

Kapitlet er foreslått redusert med 239,8 mill. kroner.

Reduksjonen skuldast i hovudsak omdisponeeringar i samband med finansieringa av meirutgifter til Statens pensjonskasse (58 mill. kroner), auka drivstoffprisar for Kystvakta (4 mill. kroner), samt ei teknisk justering i samband med reindyrkinga av kapitla 1720 og 1725 som vart utført i 2006 (155,1 mill. kroner). Vidare vert det foreslått ei omdisponering av 62,3 mill. kroner til kap. 1740 Forsvarets logistikkorganisasjon grunna overføring av budsjettansvar for *Regional støttefunksjon*. I tillegg er det gjort tekniske justeringar mot andre kapittel, som samla gir ein reduksjon på 3 mill. kroner.

Kapitlet vert foreslått tilført midlar i samband med naudsynt styrking av tenesta ved *Joint Air Operation Centre ved Fellesoperativt hovedkvarter* (FOHK) (1 mill. kroner), flytting av budsjettansvar for vernepliktige ved FOHK (19 mill. kroner), samt teknisk justering grunna ei feilpostering på post 70 i rekneskapen for 2005 (5,5 mill. kroner). Vidare er kapitlet tilført midlar til sertifisering av forsvarspersonell for samlivskurs (0,08 mill. kroner), samt 17 mill. kroner i meirinntekter grunna refusjon av tsunami-utgifter i 2006. Inntekta hadde ein tilsvarende utgiftspost i 2005.

Kap. 1725 Fellesinstitusjonar og utgifter under Forsvarsstabben

Kapitlet er foreslått auka med 206,8 mill. kroner.

Kapitlet er m.a. tilført midlar i samband med overføring av budsjettansvar for garnisonshelsete-

nesta og Forsvarets informasjonssystem/forvalting (FIS/F) frå greinkapitla (175 mill. kroner), overføring av budsjettansvar for drift, vedlikehald og utvikling i GOLF-/LOS-programmet (83 mill. kroner), samt ei teknisk justering i samband med reindyrkinga av kapitla 1720 og 1725 som vart utført i 2005 (155,1 mill. kroner). I tillegg er det gjort tekniske justeringar til og frå kapitlet, som samla gir ein auke på 3,7 mill. kroner.

Omdisponeringane frå kapitlet gjeld i hovudsak overføring av budsjettansvar for *Regional støttefunksjon*, rabattavtale for vernepliktige til kapittel 1740 Forsvarets logistikkorganisasjon (182 mill. kroner), auka drivstoffprisar for Kystvakta (8 mill. kroner), samt ein høgare del av vedlikehaldskostnader enn budsjettert på kap. 1791 Redningshelikoptertenesta (20 mill. kroner).

Kap. 1731 Hæren

Kapitlet er foreslått redusert med 443,2 mill. kroner. Reduksjonen skuldast i hovudsak tekniske flyttingar.

Kapitlet er m.a. redusert i samband med overføring av budsjettansvar for *Regional støttefunksjon*, samt rabattavtale for vernepliktige, til kapittel 1740 Forsvarets logistikkorganisasjon (354,6 mill. kroner). Vidare skuldast reduksjonen overføring av budsjettansvar for garnisonshelsetenesta og Forsvarets informasjonssystem/ forvalting (FIS/F) (86,8 mill. kroner), overføring av budsjettansvar for *Landsskytterstevnet 2006* til kap. 1734 Heimevernet (1,9 mill. kroner), samt overføring av budsjettansvar for rekruttutdanning til kap. 1732 Sjøforsvaret (5 mill. kroner). I tillegg er det gjort tekniske justeringar til og frå kapitlet, som samla gir ein auke på 5,1 mill. kroner.

Kap. 1732 Sjøforsvaret

Kapitlet er foreslått redusert med 143,6 mill. kroner. Reduksjonen skuldast i hovudsak tekniske flyttingar.

Kapitlet er m.a. redusert i samband overføring av budsjettansvar for *Regional støttefunksjon*, samt rabattavtale for vernepliktige, til kapittel 1740 Forsvarets logistikkorganisasjon (76,3 mill. kroner). Vidare skuldast reduksjonen overføring av budsjettansvar for garnisonshelsetenesta og Forsvarets informasjonssystem/ forvalting (FIS/F) (44,2 mill. kroner) til kap. 1725, overføring av budsjettansvar for vernepliktige ved FOHK til kap. 1720 (19 mill. kroner), samt overføring av budsjettansvar for ulike utdanningsoppgåver til kap. 1790 Kystvakta (8,5 mill. kroner). I tillegg er det gjort

tekniske justeringar til og frå kapitlet, som samla gir ein reduksjon på 0,6 mill. kroner.

Kapitlet er tilført midlar i samband med overføring av budsjettansvar for rekruttutdanning frå kap. 1731 Hæren (5 mill. kroner).

Kap. 1733 Luftforsvaret

Kapitlet er foreslått redusert med 258,7 mill. kroner. Reduksjonen skuldast i hovudsak tekniske flyttingar.

Kapitlet er m.a. redusert i samband med overføring av budsjettansvar for *Regional støttefunksjon*, samt rabattavtale for vernepliktige, til kapittel 1740 Forsvarets logistikkorganisasjon (246,4 mill. kroner), samt overføring av budsjettansvar for garnisonshelsetenesta og Forsvarets informasjonssystem/forvalting (FIS/F) (38,4 mill. kroner). Kapitlet er vidare redusert grunna overføring av midlar til kap. 1792 Norske styrkar i utlandet i samband med forlenging av oppdraget til *P-3 Orion* i *Operation Active Endeavour* (15 mill. kroner), overføring av budsjettansvar for mellom anna utdanningsaktivitetar til kap. 1734 Heimevernet (8,4 mill. kroner), samt ein høgare del av vedlikehaldskostnader enn budsjettet på kap. 1791 Redningshelikoptertenesta (18,8 mill. kroner). I tillegg er kapitlet redusert i samband med naudsynt styrking av tenesta ved *Joint Air Operation Centre* ved FOHK (1 mill. kroner), samt at det er gjort tekniske justeringar på kapitlet som gir ein reduksjon på 5,7 mill. kroner.

Kapitlet er tilført 75 mill. kroner i meirinntekter grunna omlegging av faktureringsrutinar i samband med kjøp og sal av tenester med AVINOR.

Kap. 1734 Heimevernet

Kapitlet er foreslått redusert med 83,7 mill. kroner. Reduksjonen skuldast i hovudsak tekniske flyttingar.

Kapitlet er m.a. redusert i samband med overføring av budsjettansvar for *Regional støttefunksjon*, samt rabattavtale for vernepliktige, til kapittel 1740 Forsvarets logistikkorganisasjon (65,2 mill. kroner). Kapitlet er vidare redusert grunna overføring av budsjettansvar for garnisonshelsetenesta og Forsvarets informasjonssystem/forvalting (FIS/F) til kap. 1725 (5,5 mill. kroner), samt for å dekkje ymse meirbehov på andre kapittel og postar (25,1 mill. kroner).

Kapitlet er tilført midlar grunna overføring av budsjettansvar for mellom anna utdanningsaktivitetar frå kap. 1733 Luftforsvaret (8,4 mill. kroner), overføring av budsjettansvar for *Landsskytterstevnet 2006* (1,9 mill. kroner), samt budsjettansvar for

grunnutdanning av sesjonsassistentar (1,5 mill. kroner). I tillegg er det gjort ei teknisk justering som gir ein auke på 0,3 mill. kroner.

Kap. 1740 Forsvarets logistikkorganisasjon

Kapitlet er foreslått auka med 1 588,6 mill. kroner. Auken skuldast i hovudsak tekniske flyttingar.

Kapitlet er m.a. auka i samband med overføring av budsjettansvar for *Regional støttefunksjon*, samt rabattavtale for vernepliktige, frå fleire kapittel (1000,7 mill. kroner). I tillegg er kapitlet tilført 233 mill. kroner grunna meirinntekter. Også denne endringa er av teknisk karakter, og skuldast i hovudsak sal av drivstoff til allierte på øving i Noreg. Meirinntekta har ei tilsvarande ikkje-budsjettert utgiftsside i 2006. Vidare er kapitlet tilført 360 mill. kroner i samband med balansering av drivstoffbeholdningane i Forsvaret.

Kapitlet er redusert grunna overføring i samband med forlegnings- og kontorbehov på Ørland hovudflystasjon (4,8 mill. kroner), samt at det er gjort ei teknisk justering på kapitlet som gir ein reduksjon på 0,3 mill. kroner.

Kap. 1760 Nyskaffing av materiell og nye bygg og anlegg

Kapitlet er foreslått redusert med 78,7 mill. kroner.

Kapitlet er redusert i samband med overføring av eigedom, bygg og anlegg tilhøyrande *Regional støttefunksjon* (13,9 mill. kroner), overføring av budsjettansvar for drift, vedlikehald og utvikling i GOLF-/LOS-programmet til kap. 1725 (83 mill. kroner).

Kapitlet er tilført midlar for å styrke gjennomføringskapasitet innanfor investeringsprosjekt i Forsvaret (18,2 mill. kroner).

Kap. 1790 Kystvakta

Kapitlet er foreslått auka med 20,5 mill. kroner. Auken skuldast i hovudsak høgare drivstoffutgifter (12 mill. kroner), samt overføring av budsjettansvar for ulike utdanningsoppgåver frå kap. 1732 Sjøforsvaret (8,5 mill. kroner).

Kap. 1791 Redningshelikoptertenesta

Kapitlet er foreslått auka med 38,8 mill. kroner. Auken skuldast ei større vedlikehaldspakke som må utførast etter ei bestemt mengd flytimar. Denne kostnaden vart ikkje overført med rammeoverføringa til Justisdepartementet, og er foreslått betalt over Forsvarsdepartementet sitt budsjett i 2006.

Kap. 1792 Norske styrkar i utlandet

Kapitlet er foreslått auka med 51,4 mill. kroner.

Kapitlet er m.a. tilført midlar i samband med norsk bidrag til UNIFIL II (25 mill. kroner), forlening av oppdraget til *P-3 Orion* i *Operation Active Endeavour* (15 mill. kroner), samt støtte til gjennomføring av NATOs toppmøte i Riga (5,1 mill. kroner). Kapitlet er vidare tilført midlar i samband med styrking av tryggleiken til norske styrkar i Meymaneh (39,5 mill. kroner), samt språkopplæring i albansk (7 mill. kroner). I tillegg er det gjort tekniske justeringar til og frå kapitlet, som samla gir ein auke på 2,8 mill. kroner.

Post 01 på kapitlet er redusert med 43 mill. kroner i samband med utgifter til investeringar i ny leir i Afghanistan (Meymaneh). Midlane er overført til post 47 på same kapitlet.

Kap. 1795 Kulturelle og allmennyttige formål

Kapitlet er foreslått auka med 1 mill. kroner grunna ymse meirbehov på kapitlet.

2.1.2 Post 43 Til disposisjon for Forsvarsdepartementet

Posten er foreslått redusert med 20 mill. kroner. Løyvinga representerer ein reserve for Forsvarsdepartementet som er foreslått nytta til å dekkje ymse meirbehov på andre kapittel og postar, mellom anna økonomisk støtte til Stiftelsen Militærhistorisk Forum Østlandet (2,25 mill. kroner), støtte til gjennomføring av NATOs toppmøte i Riga (5,1 mill. kroner), midlar til sertifisering av forsvarspersonell for samlivskurs (0,08 mill. kroner) og andre forsvarsrelaterte kulturprosjekt (5,4 mill. kroner).

2.1.3 Post 45 Store nyskaffingar

Posten er foreslått redusert med netto 820 mill. kroner.

Reduksjonen gjeld m.a. 420,5 mill. kroner som er overført til post 47 Nye bygg og anlegg. Dette utgjer i hovudsak ei likviditetsmessig tilpassing til framdrifta i investeringsprosjekta innanfor høvesvis materiell- og EBA-området.

Det har vore forseinkingar i framdrifta på fleire store materiellprosjekt, og dette har ført til fleire åtgjerder for å setje i gang andre prioriterte prosjekt. Posten er vidare redusert i samband med styrking av tryggleiken til norske styrkar i Meymaneh (39,5 mill. kroner), samt i samband med balansering av drivstoffbeholdningane i Forsvaret (360 mill. kroner).

Reduksjonane på posten er eit uttrykk for likviditetsmessige tilpassingar til tidsfasinga i prosjektoptefølja, og er ikkje eit uttrykk for reduksjonar i sektoren sitt behov for investeringar. Reduksjonane skuldast mellom anna forhold som forseinkingar i leveransar frå leverandørar innanfor større materiellprosjekt.

2.1.4 Post 47 Nye bygg og anlegg

Regjeringa foreslår å auke løyvinga til investeringar i eigedomar, bygg og anlegg (EBA) med 417,8 mill. kroner i 2006. Dette utgjer i hovudsak ei likviditetsmessig tilpassing til framdrifta i investeringsprosjekta innanfor høvesvis materiell- og EBA-området. Det er behov for å auke EBA-investeringsane for å oppretthalde verdien av sentrale delar av bygningsmassen. Vidare er det behov for å gjennomføre EBA-prosjekt for å oppnå omstilling og effektivisering, og EBA-behov som følgje av materiellinvesteringar.

Posten er tilført 420,5 mill. kroner frå post 45. Posten er vidare tilført midlar i samband med forlegnings- og kontorbehov på Ørland hovudflystasjon (4,8 mill. kroner).

Posten er vidare redusert med 89 mill. kroner grunna ei rekke sal av eigedomar der inntektene kjem på eit seinare tidspunkt enn budsjettet (mindreinntekt).

Regjeringa foreslår oppretta ein post 47 under kap. 1792 Norske styrkar i utlandet for å synleggjere utgifter til investeringar i nybygg og nyanlegg ved internasjonale operasjoner, jf. tilsvarande forslag i St.prp. nr. 1 (2006-2007). Utgiftene omfattar investeringar i samband med ny leir i Afghanistan (Meymaneh 81,5 mill. kroner).

2.1.5 Post 50 Overføring til Statens pensjonskasse

Posten er foreslått auka med 58 mill. kroner i samband med finansieringa av meirutgifter til Statens pensjonskasse.

2.1.6 Post 70 Renter låneordning

Posten er foreslått redusert med 5,5 mill. kroner i samband med ei teknisk justering grunna ei feilpostering på post 70 i 2005.

2.2 Inntekter

Det er registrert netto meirinntekter på 240 mill. kroner.

2.2.1 Post 01 Driftsinntekter

Følgjande vesentlege endringar er gjort på dei ein-skilde inntektskapitla:

Kap. 4720 Felles leiings- og kommandoapparat

Kapitlet er auka med 16,4 mill. kroner. Auken skuldast refusjon av Forsvarets utgifter i samband med tsunamien i 2005 (17 mill. kroner). Reduksjonen skuldast ei teknisk flytting av inntekter mellom kapitla (0,6 mill. kroner).

Kap. 4725 Fellesinstitusjonar og utgifter under Forsvarsstaben

Kapitlet er auka med 5,4 mill. kroner som i hovudsak gjeld auka inntekter til Forsvarets sanitet (4 mill. kroner). Anna auke skuldast teknisk flytting av inntekter mellom kapitla (1,4 mill. kroner).

Kap. 4731 Hæren

Kapitlet er redusert med 1,4 mill. kroner. Reduksjonen skuldast teknisk flytting av inntekter mellom kapitla.

Kap. 4732 Sjøforsvaret

Kapitlet er redusert med 0,7 mill. kroner. Reduksjonen skuldast teknisk flytting av inntekter mellom kapitla.

Kap. 4733 Luftforsvaret

Kapitlet er auka med 75 mill. kroner. Overgang til bruttofakturering med AVINOR, som følge av meirverdiavgift på tenestene, medfører at inntekt med tilsvarende utgift no må posterast som inntekt.

Kap. 4740 Forsvarets logistikkorganisasjon

Kapitlet er auka med 234 mill. kroner. Endringar på posten er av teknisk karakter, og skuldast i hovudsak sal av drivstoff og utleige av EBA og materiell til allierte styrkar på øving i Noreg. Meirinntekta har ein tilsvarende ikkje-budsjettet utgift i 2006.

2.2.2 Post 47 Sal av eigedom

Kapitlet er foreslått redusert med 89 mill. kroner. Reduksjonen skuldast i hovudsak sal av ei rekke eigedomar der inntektene kjem på eit seinare tids-punkt enn budsjettet. Regjeringa ser positivt på forkjøpsretten for kommunar og fylkeskommunar ved sal av eigedom frå Forsvaret. Dette har i

enkelte høve ført til forseinkingar i salsprosessen og dermed forseinka inntekter til Forsvaret i 2006.

3 Informasjonssaker

3.1 Stiftelsen Militærhistorisk Forum Østlandet og Forsvarets Flysamling på Gardermoen

Stiftelsen Militærhistorisk Forum Østlandet (SMFØ) har frå våren 2000 utstilt Forsvarets flysamling på Gardermoen (FFG), til glede for publikum i austlandsregionen. I den seinare tid har stiftinga sine driftskostnader auka vesentleg, noko som har ført til mangel på driftskapital. For å handtere situasjonen, har SMFØ utarbeidd ein forretningsplan som har som målsetjing å styrke kundegrunnlaget og gjere stiftinga berekraftig innan tre år. Stiftinga inngjekk difor i 2004 ein intensjonsavtale om eit nærrare samarbeid med Norsk Luftfartsmuseum i Bodø. Røynslene med avtalen er så langt positive på fleire område, og samarbeidet skal utviklast vidare. Også Ullensaker kommune ynskjer samarbeid med stiftinga, og har gjeve lovnad om å leggje til rette for at stiftinga skal få gode arbeids- og utviklingskår. Alt i alt synest det på sikt å vere lagt godt til rette for ei berekraftig drift av flysamlinga utan støtte frå staten, men det føreset ei viss støtte i etablerings-/oppbyggingsfasen. Forsvarsdepartementet meiner det er gode grunnar for å gje ei slik støtte.

Samstundes viser ein til Stortinget sitt utsegn i 1997 om at SMFØ skulle ta seg av drifta utan kostnader for staten, jf. Innst. S. nr. 303 (1996-1997), jf. St.prp. nr. 57 (1996-1997). I denne utsegna heiter det: «...stiftelsen vil selv ta seg av driften av samlingen uten kostnader for staten og at inntektene fra publikumsfasilitetene, helt eller delvis, skal finansiere driften...».

Departementet meiner at desse omsyna kan balanserast ved at stiftinga vert gjeve eit eingongs-tilskot på 2,25 mill. kroner til å dekkje driftsutgifter og å gjennomføre forretningsplanen si målsetjing om å utvikle eit langsiktig kundegrunnlag. Det er også ein føresetnad at stiftinga, dersom den opphavarlege planen viser seg å vere for optimistisk, justerer aktivitetene tidsnok til at tilskottet kan medverke til å sikre vidare drift, med eit lågare ambisjonsnivå og utan støtte over forsvarsbudsjettet. Dette inneber likevel ikkje at stiftinga vil vere forhindra frå å nytte andre offentlege støtteordningar.

Forsvarsdepartementet

til rår:

At Dykkar Majestet godkjenner og skriv under eit framlagt forslag til proposisjon til Stortinget om endringar i løyvingar o.a. i forsvarsbudsjettet for 2006.

Vi HARALD, Noregs Konge,

s t a d f e s t e r :

Stortinget blir bedt om å gjere vedtak om endringar i løyvingar o.a. i forsvarsbudsjettet for 2006 i svar med eit vedlagt forslag.

Forslag**til vedtak om endringar i løyvingar o.a. i forsvarsbudsjettet
for 2006**

I

I statsbudsjettet for 2006 blir det gjort følgjande endringar:

Utgifter:

Kap	Post	Formål	Kroner
1700		Forsvarsdepartementet	
	01	Driftsutgifter, vert auka med	8 700 000
		frå kr. 308 371 000 til kr. 317 071 000	
1710		Forsvarsbygg og nye bygg og anlegg	
	47	Nye bygg og anlegg, kan overførast, vert auka med	336 300 000
		frå kr. 1 490 000 000 til kr. 1 826 300 000	
1719		Fellesutgifter og tilskott til føretak under Forsvarsdepartementet	
	01	Driftsutgifter, vert redusert med	33 398 000
		frå kr. 413 467 000 til kr. 380 069 000	
	43	Til disposisjon for Forsvarsdepartementet, vert redusert med	20 000 000
		frå kr. 20 000 000 til kr. 0	
1720		Felles leiings- og kommandoapparat	
	01	Driftsutgifter, vert redusert med	239 752 000
		frå kr. 2 201 646 000 til kr. 1 961 894 000	
	50	Overføringer til Statens pensjonskasse, kan overførast, vert auka med	58 000 000
		frå kr. 160 000 000 til kr. 218 000 000	
	70	Renter låneneordning, kan overførast, vert redusert med	5 500 000
		frå kr. 5 500 000 til kr. 0	
1725		Fellesinstitusjonar og -utgifter under Forsvarsstaben	
	01	Driftsutgifter, vert auka med	206 764 000
		frå kr. 1 969 428 000 til kr. 2 176 192 000	
1731		Hæren	
	01	Driftsutgifter, vert redusert med	443 239 000
		frå kr. 3 792 960 000 til kr. 3 349 721 000	
1732		Sjøforsvaret	
	01	Driftsutgifter, vert redusert med	143 627 000
		frå kr. 2 662 231 000 til kr. 2 518 604 000	
1733		Luftforsvaret	
	01	Driftsutgifter, vert redusert med	258 695 000
		frå kr. 3 443 453 000 til kr. 3 184 758 000	
1734		Heimevernet	
	01	Driftsutgifter, vert redusert med	83 708 000
		frå kr. 1 102 853 000 til kr. 1 019 145 000	

Kap	Post	Formål	Kroner
1740		Forsvarets logistikkorganisasjon	
	01	Driftsutgifter, vert auka med frå kr. 2 052 762 000 til kr. 3 641 346 000	1 588 584 000
1760		Nyskaffing av materiell og nye bygg og anlegg	
	01	Driftsutgifter, kan nyttast under kap. 1760, post 45, vert redusert med frå kr. 782 282 000 til kr. 703 543 000	78 739 000
	45	Større nyskaffingar av utstyr, kan overførast, vert redusert med frå kr. 7 415 612 000 til kr. 6 595 612 000	820 000 000
1790		Kystvakta	
	01	Driftsutgifter, vert auka med frå kr. 782 233 000 til kr. 802 727 000	20 494 000
1791		Redningstenesta	
	01	Driftsutgifter, vert auka med frå kr. 36 900 000 til kr. 75 700 000	38 800 000
1792		Norske styrkar i utlandet	
	01	Driftsutgifter, vert auka med frå kr. 841 673 000 til kr. 893 101 000	51 428 000
	47	Nye bygg og anlegg, kan overførast, vert auka med frå kr. 0 til kr. 81 548 000	81 548 000
1795		Kulturelle og allmennnyttige formål	
	01	Driftsutgifter, vert auka med frå kr. 220 266 000 til kr. 221 306 000	1 040 000

Inntekter:

Kap	Post	Formål	Kroner
4710		Forsvarsbygg og nye bygg og anlegg	
	47	Sal av eiendom, vert redusert med frå kr. 500 000 000 til kr. 411 000 000	89 000 000
4720		Felles leiings- og kommandoapparat	
	01	Driftsutgifter, vert auka med frå kr. 9 826 000 til kr. 26 269 000	16 443 000
4725		Fellesinstitusjonar og inntekter under Forsvarsstaben	
	01	Driftsinntekter, vert auka med frå kr. 37 774 000 til kr. 43 174 000	5 400 000
4731		Hæren	
	01	Driftsinntekter, vert redusert med frå kr. 4 766 000 til kr. 3 366 000	1 400 000
4732		Sjøforsvaret	
	01	Driftsinntekter, vert redusert med frå kr. 5 674 000 til kr. 5 015 000	659 000
4733		Luftforsvaret	
	01	Driftsinntekter, vert auka med frå kr. 51 351 000 til kr. 126 351 000	75 000 000
4740		Forsvarets logistikkorganisasjon	
	01	Driftsinntekter, vert auka med frå kr. 237 399 000 til kr. 471 615 000	234 216 000
